

Saka un man, yuda un próhimo "Yejele"

WILLEMSTAD. - Djego Real, huntu ku Izaline Calister, ke motivá e diáspora antiano biba riba nos islanan i na Hulanda, pa saka man i yuda su próhimo, den un momentu di Yejele! E kantika infeksioso ta papia di e alegría i satisfakshon ku trabou boluntario por duna bu. Ku Yejele, e proyekto 'Samen Ouder Worden' ke kórda nos ku nos barío mester di nos, i ke motivá bo pa kaptura bo momento di akshon - yama e momentu Yejele. Riendy 'Ray Bass aka Djego' Holder i Shari van den Hout a splika di e proyekto i e kantika Yejele produsí i skibi pa 'Ray Bass aka Djego' i Izaline Calister ku ta bai kompañá ku un videoclip ku a keda dirigi pa Pathos Studios.

Samen Ouder Worden

Shari van den Hout a splika ku Samen Ouder Worden ta un proyekto ku tin komo meta pa nos hendenan grandi no wòrdu isolá. Pa kombati soledat di nos grandinan. E proyekto aki ta un inisiativa di ministerio di salubridat públiko ku 11 organisashon di boluntario. E manera pa yuda nos grandinan ta pa konektá generashonnan yon i grandi dor di trabou di boluntario. Ya nan tin 2 aña bezig ku e problema ku nos hende grandinan ta bira mas isolá, ta ya kaba di basta aña. Yejele ta un sentimientu. Shari a bisa di a serká Ray Bass ku e pensamentu kon pa haña nos hendenan, i e manera ta pa medio di un kantika. Asina a bin den kontakto ku Ray pa duna e mensahe di

Samen Ouder Worden.

Ray Bass a konta nos ku e ku Shari a topa otro via stichting Ocan. Nan tabata trahando un video pa konsientisá nos hendenan riba e lei di donan esta si bo fayesé i bo no tuma un desishon pa duna bo órganonan, esaki ta bai outomátikamente. Einan Shari a aserká Ray ku e petishon pa duna un man pa produsí e kantika di konsientisashon pa Samen Ouder Worden. E kantika sòru pa e grandi konektá ku esun mas yon i pa atraé boluntario pa hasi e trabou. Ray a sintié toka for di e momentu di e kombersashon ku Shari van den Hout i mesora el a bai di akuerdo pa hasi. Ray tabatin man liber pa e por yega na e kantika i e palabra Yejele ta e promé kos ku a bin den su kabes. Ku kada insprashon Ray ta manda esaki pa Shari te ora

Ray a yega riba e persona di Izaline Calister komo esun pa kanté. Pa Ray ta Izaline so tin e stèm di Kassav pa kanta e kantika. Pero Izaline mes tambe asina el a tende di e proyekto a bisa si mesora. E Yejele riba su mes no ta nifiká praktikamente nada pero den e kantika el a haña un sentimientu.

Toka kurason

Shari a bisa ku nan a lansa e kantika siman pas i kada bia ku nan tin oportunidat di konta, nan ta haña reakshon prinsipalmente di hòbennan ku ke sa unda nan por inskribí. Ora nan tabata graba e videoclip kaba, e hòbennan ta reakshoná i nan ke dediká maske ta un ora pa luna bishitando un grandi. Shari ta mira ku e kantika ta asina bon ku e mensahe ta dreña i dreña kurason tambe.



Shari van den Hout - Hooi

Nos hendenan di Karibe ta hasi trabou boluntario kasi tur dia pero di forma informal. Ta pasa kumpra kos na supermerkadu i hiba pa un tanta grandi, un mama ku mester traha ta wak e yu pe, tur ta trabou boluntario pero informá. Na Hulanda tur trabou boluntario ta formalisá i p'esei nan ke mustra ku nos hendenan tambe ta kontribuí na e pais ei pasobra trabou boluntario ta semént di un komunidad i antianonan tambe ta partisipá di e mesun manera. Shari su deseo ta pa na Antia tambe tin Yejele pero no pa nan di Hulanda bin bisa ta kon.

Sufri den silencio

Bira grandi ta un privilegio ku nos tur lo ke eksperensia. Lamentablemente, hopi di nos grandinan ta kayendo den isolashon pasó nan no tin aksesu na e rekursonan sosial disponibel. E grandinan aki ta sufri den silencio i ta kai den isolashon, especialmente

pa akshon a keda publiká ku un kampana ku ta aktivo entre 15 pa 30 di novèmber. Djego i Izaline ke motivá nos komunidad pa kaptura nan propio momentu 'Yejele', pero mirando e risikashon di COVID-19, nos mester kuida especialmente nos grandinan i p'esei ta opta pa hasi un gritu di akshon mas moderá. P'esei nan ta invitá un i tur pa usa nan telefòn i graba 1 minút di e mihó interpretashon di e kantika 'Yejele' i 'tag' e Facebook/YejeleNederland i pone e 'hashtag #Yejele i #Yejelemoment. Lo skohe e mihó interpretashon di 'Yejele', unda lo saka dos ganadó ku por gana vários premio atraktivo. Tur clip lo keda kompartí riba e páginanan di Yejele riba Facebook i Instagram. Lo saka e ganadó durante e promé siman di desèmber.

Aktivá den bo barío

Pa mas informashon kon pa ehikutá trabou boluntario den bo barío, bishita e wèpsait di www.samenouderworden.nl pa mas informashon i manda un WhatsApp pa e tim di Den Haag - Yurani i Shar - na +31-619788541. Sigui Ray Bass na www.instagram.com/murraybass Djego: www.instagram.com/djegotami Por sigui Izaline Calister riba su instagram.com/izalinelcalisterofficial



Por sigui e entrevist aki komplotu riba na plataforma Digital facebook extracuracao i nos wèpsait extra.cw